



'YAASOLOLWA NA
WATSON GOODMAN

**Ina Ine Nilé
Beni
Hùnatùma
MWAMI
A'we Ha
‘Yane Éculé?**

NGANA — TA'ÉLÉ 'YA IKÙCIBWA

INA INE NILÉ BENI?

Wetù Mmbùmba aikyé tùlé ba beni, na 'yose élé mùtangwa M 'yake ÉSÉ 'ya ale na ale mtùnabasha ùlémbùla "Cwahùlù'écwa Ba Beni", "Cwanaba Étù Beni", "Aikyùtùlombola Ùléhé", na "Tùnabasha Ùba Étù Beni" mw i'waca ihonyibwa na Abeca.

Bamo tabaikyé bùhonya bwa Abeca. Bamo baikyé hebo mmombo na baashima ibùcicibo'ya na éhinyinya. Bamo baikyùlwana na bùhonya bwa Abeca, éna'éba bange baikyùbùkakanina na lù'-ùndo na mw ihonyibwa baikyùlémbùla bibasele mulé Yesù Kélésitù mtù wa bùlamu bwa m'mùlù manga ale na ale.

Ane alamo a ale na ale aléngye iba ité bilya binale'ile Mmbùmba a'a'éte byaamona Ewe imwene! Hange ùno ùlé ù'ema Ewe na ùshacelela 'wa bütùlélo m'm ale ose ashi na éshi'a, hange i'waca na inyemya lya bwiséngo ile'a Ewe atùme becu cwaasambéla élya Ecumbé 'ya bù'olo 'ya ale na ale m'm èsè hamo Nake itè wake m-ya!

—Watson Goodman (1920-2002)

A'ome A M'mùlù A Abeca Mw Ibùmba Mlangamsenge 1

I'aba na M-ya wa Ale na Ale

Isaya 62:5b

... ité bilya mkonji wa m-ya
byaikyùsohakélwa na wake m-ya,
bibyo Abeca wobe i byashisoha-
kélwe nobe.

Matayo 25:1 na 6

M bibyo bikyanga bwami bwa
mw ikùlù ibwaléngé'écibwa na
misé'a i'ùmi, yahénjile yabo
myenge, na yanaya ùkya'anya
mkonji... Na m busuku mwitù-
mbyo mwanaba ngyùkyù bino:
Mkonji acwa, hùlane muye
ùmkya'anya.

Kélé sitù—Mkonji

Hùlya hùlé na m-ya i wake
mkonji, na mnga mnake na hùkyo

mkonji, ahimana ha'onga nake
na ùmmungwélélà, àusohakélwa
manga ihungwa cù'i lya mko-
nji... —Yohana 3:29a

Nilé na lùkyengyo ùmulé lwaa-
 huma 'wa Abeca, lùmbaka benu
 mulé ité msé'a hùshinamanya
 mlùmyana, hùnawa ùkonja ùlé
 mkonji hùmo hùlé mùbùcibwa
 Kélé sitù. —2 Bakolito 11:2

Matayo 9:15

Yesù ashibatoca: Ina balya baa-
 bùcibwa ù bùya banaisébya na
 ngyala biléhé, mnga mkonji a'élé
 hamo nabo? Shi'éta m suku cishi-
 cwe, habashihumatù'écibwe mko-
 nji mwingi nabo, haho i haba-
 shiisébye na ngyala.

2 Éno I 'Yatùmine Abeca Aa'éta Mtù Ù Yake Sùsho

*Tabùlé Bùlanga Bwaaniha Ibasha
Uba Hùléngye Ité Wake M-ya
Ubalé'a 1:27*

U bibyo Abeca ahùlùbùmba batù baahikana nake, abùmbile mlùmyana na m'macana.

Baefeso 1:4

Lùmbaka Abeca atùsobocile nibo tûbe bake mwingi na Kélésitù, habele ésé ta'énabalé'wa ibùmbwa, nibo tûbe bake batù bashi na asembo ù make meso, mwingi na lwake lù'ùndo.

Waasabolwa Iba Émo Na Abeca

... nibo ù bibyo mwabashe 'wi-sambya na mshinga wa Abeca ... (2 Petelo 1:4b). ... na inaba na èbekebeke 'ya bùcunde bùshi-

kùbùlélwe batù (1 Petelo 5:1b). ... bawa ùsambéla netù alya ake alaki mulé Kélésitù ù ngyéla ya msahù wangéne (Baefeso 3:6b). ... ahùlùtùbashésha ikya'anya ébangyù 'ya itékéléla malya masoka Abeca maa'ùngéla bake batù m bwake bwami bwa lwenge (Bakolosai 1:12b). ... balya balé mùmona bùyengù'e m yabo mi'ambo balé baa'waca na baa'ùnjwa ... (1 Timoteo 6:2b). Lùmbaka tûsele banake na ésambo na Kélésitù ... (Bahebulaniya 3:14a). ... cwahùlùsambibwa na Mtéma Wammaha. ... nibo tûbe na èbekebeke 'ya bwake bùhaha (Bahebulaniya 6:4b; 12:10b).

Ubalé'a 9:6b

... lumbaka Abeca abùmbile
mtù waahikana na yake sùsho.

Mi'ambo 17:24a, 25b, 26a, 27-28

Abeca wa'écile ésé na bitù byose bilémo ... i hùlé mù'ùha batù bose bùlamu, mmùkyà, na bitù byose; nake a'écile bilongo byose ihuma mulé mtù hùmo nibo bai'yane m'm ésé 'yose ... Aba'-écile bibyo lumbaka balonde Mwene'ombe, éna'éba lélé ilonda lya ibabata-babata, écima bamnone. Benebene Abeca talé bûle na wetù hose: lumbaka mwingi nake i mcwalama, i m tûlé mùnyata, na i m tûlé; ité cimo cenu

nyémbo bicatenjile: Becu bose tûlé bwake bùlongo.

*Adamu, A'écilwe Ù Sùsho Ya
Abeca, Aacelela Ù'wéca Bùcunde
Bùlé Ité Bùcunde Bwa Abeca*

1 Bami 8:11

Hicu lébele mùlangala na mingeneni ya lwenge lwa MWENE'OMBE; ù bibyo baheci taba'ebashishe ùhoto'anya m Numba mwa MWENE'OMBE i'amba yabo mi'ambo.

Matayo 17:1a, 2

Yesù ... akalù'ile 'yeni 'wabo ù meso; bwake bùshù bwanalangala ité cùba, na yake myenda yashiba ya mmaha ité lwenge.

I huma M Bùhaha Iya M Bùbé Na M'm Ahùlù

*Aa'écwa Ité Abeca, Hùlya
Waahahala*

U lùmbaka byaasalangwa bino:
Mube baahahala; lùmbaka nilé
waahahala. —1 Petelo 1:16

*Akakya Ahùcice Mmbekanu'o
Baloma 5:19*

Mnga ùkakyéléca 'wa mtù hù-
mocunge 'wa'écile batù manga iba
babé, bibyo ng'ine ùnyemya 'wa
mtù hùmocunge i'wa'éta batù
manga iba balùlé.

Baloma 3:23

Lùmbaka bose bawa ù'éta bùbé,
indé tabalé na hibekebeke m bùcu-
nde bwa Abeca.

*Bino Asele Mcimbéléla na Msonu
Alé beni hùnabasha ùmanya
mtéma wa mtù? Wikyùcimbéléla
ùhéta bitù byose, na hùlé na
bùlwaci bwaa'oma ihona.*

—Yelemiya 17:9

Abeca Aikyù'ema Msonu

... Namubwéla: Shikyé ùmulé
mùhuma; humatù'e ù'o, benu
ba'éci ba bùsonu. —Luka 13:27b

Mlangamsenge Aacimina M'm ahùlù

Na lùno i lùbangya, lùmbaka
lwenge lwacwa m'm ésé, shi'éta
batù ba'ùnjile ahùlù ùhéta
lwenge, ù lùmbaka lwa yabo
mi'ambo yaasona. —Yohana 3:19

Ina Bino Halé Ésambo Beni Na Abeca?

5

Mtù Waakwéla Taasongela

Isaya 64:6

Shi'éta becu bose tûsele babé,
na yetú mi'ambéci yose yangéne
ûhéta yose hélé mùhonda-honda
bùnyonyo bwa mabé. U lùmbaka
lwa metù mabé tûlé ité mani
maakùma malé mùkùlùlwa na
mmuhé.

Lu'u lwa Ale na Ale Lùlé Ùnilé

Baloma 5:12

Bùbé bwahingécile m'm ésé
ù lùmbaka lwa mtù hùmo, na
bùbé bwanalusha lu'u; na bibyo
lu'u lwahùlùhùlélá batù bose,
lùmbaka batù bose bawa ù'é-
ta bùbé.

Namona Lùbangya

Baloma 5:18a

Lùmbaka lwa bibyo ù bùbé bwa
mtù hùmo batù bose bahùlù'alé-
lwa lùbangya imona m'mando

*Bùbé Bwikyùbekanu'ya mtù
na Abeca*

Isaya 59:2a

Shi'éta menu mabé i maikyùmu-
bekanu'ya na Abeca wenu

Naacelela Iba ûlé Abeca

Baloma 14:12

U bibyo mtù hose mwingi netù
i'atocibwa na Abeca nibo atende
ewe imwene bya'écile.

*Nilé Mtù Waakwéla, Hùlé Ité
Ibùmba, Bisasi, Lùhùkya*
Isaya 64:8

**Shi'éta, Isetù alé Ube,
MWENE'OMBE.** Becu tùlé ité
ibùmba, na Ube ité mmbùmba.
Ube wabùmbile becu bose.

1 Petelo 1:24

Batù bose balé ité mani, na
bwabo bùsoka bose bùlé ité ilùba
lyá mani. Mani maikyùkùma na
ilùba lya'olo'e.

Yakobo 4:14

Benu tamwikyé bishibe bwenu
bùlamu m'meshi. Lùmbaka benu
mulè ité lùhùkya lùlé mùmone'a
ù ékyanga 'yaaniha, na hanuma
lwaacinge.

*Shinabasha Ùba na Bùlami Bwaabé-
ha Na Bwa Ale na Ale mulé Kélesitù*
Yohana 11:26

Lùnge hùlya hose hùshina'waca
mnga angwaca tashi'we. A bino
wa'waca mano?

Yohana 5:10, 11

Hùlya hose wa'waca Mwana na
Abeca i hùlé na hùkyo mmbanga
m wake mtéma: shi'éta hùlya
washawaca Abeca ibé am'méta
iba mcimbi; ù lùmbaka ta'waca
hùlya mmbanga Abeca wahùlùba-
ngéla ù alondo a wake Mwana. Na
hùkyo mmbanga i hùno: Abeca
awa ùtùha bùlamu bwa ale na ale,
na bùbo bùlamu bùlé mulé wake
Mwana.

Nyémbo 24:7, 8

Cibùle malémbo, bukùle bibé bya ale, na mwami mcunde i'acwa ùhingéla. Ina hùkyo mwami mcunde alé beni? Alé MWENE'OMBE wa makala na bùbasha, MWENE'OMBE mmémi wa ilongwe.

1 Timoteo 6:14b, 15b, 16

... ùhùca hashicwéle wetù Mwami Yesù Kélésitù ... mmanyakùlwa na hùlé na Bùbasha inose, Mwami wa bami, na Msoshi wa basoshi; ewe inose i hùshina'wa, ai'ekye m lwenge mtù Iwashinabasha ùshekenena ù'onga nalo; tahalé wawa ùmmona, hange hùnabasha ùmmona:

bùnyemu na bùbasha bilé 'waalé ale na ale. Amina.

Hùno Mwami I'aba Mwami Waa-kéma Ésé 'Yose

Mnga lùlo lusuku Iwahùléla, makyé ma'alaka pùsha imakeela ihuma Yelusalemi, mmbombo wa mamo makyé iwakela iya ù Etaanga 'ya Mnu na hùnge mmombo ù Etaanga Mwingi'ésé. Imakeela mwa'a hose wa mtùmba, m mango ma bùwa na bùkyoko ng'ine. E'yo ékyanga MWENE'OMBE, i'aba mwami wa ésé 'yose: wa'ùmwa hose i'ammanyakùla ité MWENE'OMBE, na ùmmanya ù lélyo lyake cina lé-mocunge. —Sakaliya 14:8, 9

Yesù Kélésitù Aikyùlùmbya Bwake Bwami

Yohana 18:36, 37a

Yesù akya'ùcile: Bwane bwami tabùlé bwa mno m'm ésé. Mnga bwane bwami bùnabele bwa mno m'm ésé, bane ba'ambi banahù-lùlwanina ine nibo nile'e ùtangwa ù Bayula. Shi'éta bwane bwami tabùlé bwa mno m'm ésé. Haho anamtoca: A bibyo ùbe ùlé mwami? Yesù amkyà'ùcile: Ube i watenda nibo nilé mwami. E'yo i 'yatùmine naabùcwa, lùnge i 'yatùmine naacwa m'm ésé nibo ni-sahùle benebene.

Mako 14:61, 62

Shi'éta Yesù ai'yanine émima, na takya'ùcile atù. Lùnge mmeci msoshi anamtoca: A ùbe i Ké-

lésitù, Mwana wa Abeca Mcunde? Yesù ashimkya'ùla: I, ine: lùnge imwamona Mwana wa mtù ai'e-kye mbo'o ndùme ya Abeca Mmbasha-byose, na ng'ine imwa-mmona alé mùcwa m macu ma mw ikùlù.

Matayo 25:31 na 34

Hashicwéle Mwana wa mtù ité mwami hamocunge na bake ba-malahika, haho i hashii'yane ù 'yake écumbé 'ya bucunde... E'yo ékyanga Mwami i'abwéla balya balé 'wake ùbo'o 'wa mlù-me bino: Cwamu'ùno, benu ba-hùlùhelelwa na Tata, mukya'a-nye bwami bùmwa'ùngélwe ihu-ma ibùmbwa lya ésé.

Bahebulaniya 1:8

Shi'éta ù alondo a Mwana,
Abeca atenjile bino: A Abeca,
'yobe écumbé 'ya bwami élame ale
na ale: ûlé mùkéma bwobe bwami
ù bùlùlé.

Ndanye 4:37

Bino ine Nebukandinesa nahanya, nanyemya na nahangyakù-la Mwami wa ikùlù. Etù 'yose 'yalé mù'éta élé benebene na bùlùlé, na anabasha ù'o'ya hùlya hose hùlé mw iheca.

Atenjile: Benebene, namubwéla:
mnga tamwakalù'a iba ité banu'e,
tamùshihingéle tù'éte m bwami
bwa mw ikùlù. Lùnge hose
hùshii'o'ye ité hùno mwana, i

hùshibe msoshi m bwami bwa mw ikùlù. —Matayo 18:3, 4

... Bùbasha bwa ikéma ésé bùsele bwa Mwene'ombe wetù na bwa Kélésitù; nake i'akéma ala na ale. —Ukùbùlélwa 11:15b

Nilé mùhùna nibo mùkyá'anye lwenge m yenu mitéma; lùmbaka mumone na ùmanya bwise'elelo bwa 'wenu ùbùcibwa ité bi'ùlé, na Abeca aabé'ela bake batù itéké-léla bùtùnga bwa pelo ca étangaca, na mumanye bilé ùcunda 'wa bwake bùbasha bùlé m tùlé becu baa'waca. Bùbo bùbasha i bùlya Abeca bwa-tùlangéshishe na makala ma manga. —Baefeso 1:18, 19

Yohana 17:2

Wawa ùmma bùbasha ùbanda na batù bose nibo ahe balya bose bùmmele bùlamu bwa ale na ale.

1 Petelo 3:22

Hùlya wakile mw ikùlù na hùlé mbo'o ndùme ya Abeca, aakéma ù'o ùbanda bamalahika na mange masoshi na mabasha mose.

Ekyanga 'ya'ambile nabo mangó ma icùla Kélésitù ihuma ùba'u, na anammbé'a yake mbo'o ndùme m bùci'é bwa mw ikùlù, iba na bùbasha bwa ikéma ùbanda na bwami bose, bùbasha, makala, bùsoshi, na cina lyose lyaalùumba ti m'm éno ésé inose, shi'éta na m'm élya ésé éshicwe ng'ine. Lùm-

baka Abeca abé'ile bitù byose mmunda na makùlù ma Kélésitù, na anammbé'a iba mcwe wa Lùbunga, wake mweko, na ù'o i 'wake ù'u'a ewe waa'ùngana na bitù byose. —Baefeso 1:20-23

Shi'éta Yesù tahùlùisénga hebo, ù lùmbaka abele aikyé batù bose, na ta'ùnjile mtù ammbwéle misahù ya batù, lùmbaka ewe im-wene abele aikyé bilé mnda mwa batù. —Yohana 2:24, 25

Ine nibe mwingi nabo, na ùbe mwingi nane, lùmbaka babe émo 'yaacelela na balangamsenge bamanye nibo ùbe i wambicile na waaba'ùnda ité byùungùnda.

—Yohana 17:23

Bùtùnga, Bùbasha, Na Malango Byose Tabishi Na Éshi'a

Ukùbùlélwa 5:12b

Mwana wa m'moo'o wayakilwe
aacelela ùhebwa bùbasha, bù-
tùnga, malango, na makala, bù-
nyemu, bùcunde, na ihangyibwa.

Matayo 28:18

Yesù i byacule ùbalé na
anababwéla: Ine nawa ùhebwa
bùbasha bose bwa mw ikùlù na
m'm ésé.

Bakolosai 2:2, 3

Nilé mù'éta bino lùmbaka yabo
mitéma hékyebelecibwe na isa-
mbibwa m lù'ùndo nibo bakyelwe
na bütùnga bose bwa imanya lya
kyokyokyo lélé mìlushibwa na
bwenge bwa benebene. U bibyo

ibabasha ùmanya mmbiso wa
Abeca, naho i Kélésitù: mwaalé i
mwaabiswa bùlongelo bose bwa
malango na ma'enda ma Abeca.

1 Bakolito 1:24

Shi'éta ù balya Bayula na Ba-
nyabilongo baabùcibwa na Abeca,
hùno msahù alé Kélésitù, nake i
makala ma Abeca na malango ma
Abeca.

Ukùbùlélwa 11:17

Babele mùtenda: Cwakanya
ùbe, Mwene'ombe Mmbasha-byo-
se, hùleho na hùbeleho; ù lùmbaka
wawa ù'ambya bwobe bùbasha
bwa m'mùlù na wawa ùkéma.

Nyémbo 72:8 na 11

Bwake bwami ibwahuma ù éta-
anga ihùca ù étaanga, ihuma ù
lùkyé Efulati ihùca ù bishi'a bya
ésé... Bami bose ibammbinda-
mina: bilongo byose ibyam'mo-
lela.

Nyémbo 2:2-4 na 6-8

Babo bami bamùna'a, babo ba-
soshi bamùhangéla pango ùmo-
cunge isomba MWENE'OMBE na
hùlya mwami waasobocile. Balé
mùtenda cwisùle ihuma m bwabo
bùhangami, cwifufutùle ihuma m
wabo mméminino. Mwene'ombe ù
'yake écumbé 'ya bù'olo mw ikùlù
amùse'a na ikakya yabo mihémbé
yasha'oma... Amùtenda: Nawa

ùkémya wane mwami ùbanda
Sayuni, lwane lùkùlù lwa mahelo.
Mwami amùtenda: Inasahùla
bilya MWENE'OMBE byawa
ùhakyéla. Ambwécile: Ube ùlé
wane Mwana; lùno lusuku nisele
sokyé. Umbùne na Ine ina'ùha
bilongo byose; ésé 'yose i'yaba
'yobe.

Alé beni hùshinanyemya Ube,
Mwami wa bilongo byose? Ube
waacelela ùnyemibwa. Tahalé
waahikana nobe m ba'wa malango
bose ba bilongo na m babo bami
bose... Shi'éta ùbe MWENE'OMBE,
ùlé Abeca wa benebene, ùlé
Abeca mlamu na mwami wa ale
na ale.... —Yelemiya 10:7 na 10a

Isaya 42:8

Ine inose i MWENE'OMBE Abe-
ca wobe: tahalé ange abeca
aasambéla nane bwane bùcunde,
na shishile'e bibù'a bisambéle
nane lyane ihangyibwa.

Nyémbo 95:3

Lùmbaka MWENE'OMBE i
Abeca msoshi, na Mwami msoshi
ùhéta tòbeca tose.

Matayo 24:30

Bibyo amanyi'éco a Mwana wa
mtù i ha'ashimone'ele mw
ikùlù... na haho i habashimone
Mwana wa mtù halù'ùcwa ùba-
nda na macu hamo na bùbasha
na bùcunde bwa manga.

Ube, MWENE'OMBE wetù na
Abeca wetù, waacelela ùhebwe
bùcunde, bùnyemu na bùbasha:
lùmbaka ùbe wabùmbile bitù
byose, na ù 'wobe ù'ùnda i
'yatùmine byaabaho na iba na
bùlamu. —Ukùbùlélwa 4:11

Bino ùlé mwami wa ale na ale,
mlamu, hùshikyùmone'a na ewe
inose i Abeca, anyemibwe na iha-
ngyakùlwa ale na ale. Amina.

—1 Timoteo 1:17

*Aikyùsambéla Bwake Bùcunde
na M-ya*

Bùlya bùcunde bùmbele ninùnge
nabahele hebo, nibo babe émo ité
ine nobe bitùlé émo.

—Yohana 17:22

Isaya 9:7a

Bwake bùbasha bwa 'yaami
ibwaba na alembe ashi na
éshi'a

Isaya 45:9a, 10-13a

Bùhanya ùlé hùlya hùlé
mù'alanya na wake Mmbù-
mba! . . . Bùhanya ùlé hùlya hùlé
mùbwéla byake bibùci: Lùmbaka
lwa'é mwangécile bino? MWE-
NE'OMBE, Abeca Wammaha wa
Isilaheli, wake Mmbùmba hù'-
étaka bishicwe, amùtenda: Ta-
mwacelela ùndooca misahù ya
bane bakala hange imbwéla
binaacelela i'éta. Ine i wa'écile ésé
na nabùmbile batù bai'yane m'm
élé. U bwane bùbasha nahùlùko-

longyola ikùlù, nilé mùlombola
cùba, mweci na tùtonde. Ine
imwene i wawa ùsemenyenya
a'ole iceleca ane a'ome na ibé'a
bitù bùlùlé, na inakolola i'ùngwe
lyose lyashihétane m lélé

Ndanye 7:14

Ahelwe bùbasha, bùnyemu, na
bwami nibo batú bose ba bilongo,
bibùndé, na tùtendeci bam'ma-
mbéle. Bùbo bwake bùbasha
bùusénga ale na ale, na bwake
bwami tabùshishi'e tù'éte.

'Witange Ù Wake Msémyo

Nyémbo 72:11

Bami bose ibammbindamina:
bilongo byose ibyam'molela.

Mwami Wa Bùcunde A'welele Ine!

15

*Mkyengye Na Bùci'é Bwa Lu'u Iwa
Yesù Na Lyake Icù'a Byasangilwe
Byaasamwa*

Matayo 20:18, 19

Lole, bino tûlé mùhela iya Yelusalemi; na ù'o i ûshitangwe Mwana wa mtù m mabo'o ma basoshi ba baheci na bahikéca ba mi'a'é, nabo ibam'maléla lùbangya nibo a'we, na ùmtanga ù batù basha'waca Abeca, nabo ibammínina mayombo, ibamkomba micapùlo na ùmmbamba ù étè 'ya büténdé: nake i'acù'a lusuku lwa asatù aaci'élwa.

*Bùbé Bùlé Mahici Ù Meso Ma
Abeca I'ena Hùno Mté
Léno ikambo i lyatùlangùlùla*

bilé lù'ùndo Iwa Abeca, ù lùmbaka Yesù atangéle becu bwake bùlamu —1 Yohana 3:16a

1 Petelo 3:18

Lùmbaka Kélésitù nakùnge amu'wéléle, ayakilwe lùkendo lùmo ù lùmbaka lwa ihumya mabé ma batù bose, ewe hùbele mlùlé a'wéléle balùbi nibo amuhùce ùlé Abeca, ayakilwe ù mweko, shi'éta acùcilwe na Mtéma Wammaha.

1 Bakolito 1:18

Lùmbaka msahù wa lu'u lwa Kélésitù ù étè 'ya büténdé, ù balya baacimina lùlé lùsa'endé; shi'éta ùlé becu baahonyibwa malé makala ma Abeca.

Shi'éta bino mwingi na Yesù Kélésitù benu babele bùle halya ha mbele mwaashishekenyeniyibwa ha'onga ù ngyéla ya mshi wa Kélésitù.

—Baefeso 2:13

Tùlé na... bùtamba bwa ihangéla ha bùci'é bwa mahelo bwaisésa ù lùmbaka lwa lu'u lwa Yesù, nake awa ùtùcibùléla ngyéla ya mmbésé na ya bùlamu.... —Bahebulaniya 10:19, 20a

... Abeca aashi'éta alembe ù lu'u lwa wake Mwana ù étè 'ya bùténdé.... —Bakolosai 1:20a

... Lole, nasobocile hibwe lya ékùci, bino naashilébé'a iba hibwe lya ù'omya a'ùma m Sayuni, hù-

lya hose hùshilé'wace tashimonyibwe abùle. Lùmbaka lwa bibyo ewe alé wa ékùci ùmulé benu baa'waca.

—1 Petelo 2:6b, 7

... Ewe aatù'unda na ahùlùtù-honya ihuma m metù mabé ù lwake lu'u. —Ukùbùlélwa 1:5b

Na ùmanye nibo ihuma bwobe bwanu'e ùbele wikyé salango ca mahelo, cilya cinabasha ù'ùha malango ma i'ùlombola ù bùhonya bùlé mùmone'a ù ngyéla ya i'waca Yesù Kélésitù.

—2 Timoteo 3:15

Lùmbaka Mwana wa mtù acule ùlonda na ùhonya hùlyा waa-cimina.

—Luka 19:10

Kélésitu Ahémíne Lu'u Lwa Abélé Na Abondelwa 17 Ihonya Ine Ihuma M Bilé

*Nibele Naacelela Lu'u Lwa Ale
na Ale*

Esekieli 18:4b

... mlangamsenge wikyù'éta
bùbé i hùshi'we.

Baloma 5:12

Bùbé bwahingécile m'm ésé ù
lùmbaka lwa mtù hùmo, na bùbé
bwalushishe lu'u. Na ù bibyo lu'u
lwahùlhùléla batù bose, lùmba-
ka bose bawa ù'éta bùbé.

Nahùlùhéminwa Lu'u

2 Timoteo 1:9, 10

... Abeca byalé mù'ùha
makala. Ewe atùhonyinye na
anatùbùca iba bake batù,
tabyabele bibyo ù lùmbaka lwa

yetù mi'ambéci, shi'éta byabele ù
lùmbaka lwa yake mihémbé na
cake ngena, cilya cicwahelwe
mwingi na Yesù Kélésitù, mbele
ya lùbalé'o lwa bikyanga, shi'éta
bino ahùlùtùkùbùléla cico ngena
ù ngyéla ya imone'a lya wetù
Mmonya Yesù Kélésitù, lùmbaka
abé'éle bùbasha bwa lu'u 'yake
éshi'a, na ù ngyéla ya msahù
wangéne anakùbùléla batù bùla-
mu bwa ale na ale.

Ukùbùlélwa 1:18

Nilé mlamu, nibele waa'wa,
shi'éta bino nisele mlamu ale na
ale. Amina. Na nilé na bùbasha
ùbanda na lu'u na abondelwa.

**18 Mwami Ahùlùhana Bùhonya Bwa Tùhù Ù Bose
Baabùshima Na Mtéma Hose**

1 Bakolito 15:3b

... Kélésitù a'ule ù lùmbaka
lwa metù mabé ité salango bicaa-
tenda.

Mi'ambo 20:28b

... Lùbunga lwa Abeca, lùlya
lwaakùcile ù mshi wake bù wake.

Yohana 10:11

Ine nilé mngele wangéne.
Mngele wangéne aikyùitangéla
yake mi'oo'o.

Lùnge ewe a'wéléle batù bose
lùmbaka balya baa'élama bale'e
ùlama ù lùmbaka lwabo hebo
bùbene, shi'éta balame ù lùmbaka
lwake ewe waba'wéléle na
ùbacù'ela. —2 Bakolito 5:15

Mi'ambo 10:43

Ng'angùci ca Abeca cahùlù-
bangéla mibanga ya hùno Yesù,
nibo ù lyake cina mtù hose
waam'mwaca i'akakyélwa make
mabé.

2 Petelo 3:9

Mwene'ombe taikyùséengya
iceleca ake alaki, ité bange bibai-
kyùlénganya. Shi'éta aikyùihanga-
ngana ilekelela becu, lùmbaka
ta'ündake mtù hose acimine,
shi'éta a'ündake bose bahikyù'e.

Yelemiya 29:13

Imwandonda, na imwamona ine
ù lùmbaka imwandonda na yenu
mitéma yose.

Nyémbo 45:6, 7a

Bùlya bwami bùwa ùhebwa na
Abeca ibwaséenga ale na ale. Wi-
kyùhangama bobe batù bùlùlé.
Waa'unda bilé bùlùlé na isomba
byaasona

1 Bakolito 6:9a

A benu tamwikyé nibo ba'éci ba
mabé tabashibe na hibekébeke m
bwami bwa Abeca?

Baloma 8:5-8

Lùmbaka balya balé mùcanga
mshinga wa bùmtù mabo ma-
lénga tamalé mùlombolwa na
bilya mshinga wa bùmtù
biwaa'unda; shi'éta balya balé
mùcanga mshinga wa Mtéma
mabo maléngé malé mùlombolwa

na bilya Mtéma biwaa'unda.
Malénga ma bùmtù i malé
mùlusha lu'u, shi'éta malénga ma
Mtéma malé mùlusha bùlamu na
alembe. Lùmbaka balya balé na
malénga ma mshinga wa bùmtù
balé basombani nake na Abeca,
nabo tabanyemya m'ma'é wa
Abeca na ûshahùbasha. Balya
balé mùcanga mshinga wa bùmtù
tabanabasha ûsohakéca Abeca.

Yakobo 4:4

Benu batù basha'waca, a ta-
mwikyé nibo isamba na ésé lélé
iba msombani nake na Abeca?
Mtù hose waashima iba mmake na
ésé, ibé alé msombani nake na
Abeca.

Tùlébé 28:13

Mtù hùlé mùbisa make mabé taikyùkelaminwa. Shi'éta hùlya hùlé mwibanga hemo na ùmakila Abeca i'am'wéla misa.

1 Yohana 4:16

Becu cwikyé na cwaawaca lù'ùndo Abeca Iwaatù'ùnda. Abeca lùlé lù'ùndo; hùlya wi'ekye m lù'ùndo ibé alé mwingi na Abeca, na Abeca mwingi nake.

Yohana 1:12a

Shi'éta balya bose bamky'a-nyinye, abahele bùbasha iba bana ba Abeca . . .

. . . mtù hose hùshikya'anye hùlya hùnahicile i'aba aakya'anya ine.
—Yohana 13:20b

Mi'ambo 8:36, 37a

Hababele mù'ùya baanyata m ngyéla bahùcile hatù habele makyé, hùkyo Mwetiopiya atenjile: Lola, makyé i mano; élé'é 'yaanjibéla shibatiswe? Filipo amky'a'ùcile: Mnga wa'waca na wobe mtéma hose ùubatiswa.

1 Bakolito 2:5

Bwenu bù'waca bùle'e ùkyekamina m malango ma batù, shi'éta m bùbasha bwa Abeca.

Yohana 8:31

Yesù ibyabwécile balya Bayula bam'mwacice bino: Mnga benu mwanyemya mane mahano, ibé imwaba bane bahikécibwa bene-bene.

Baefeso 3:19

Mumanye lù'ùndo lwa Kélésitù bilwaahéta ùmanya 'wa batù, lùmbaka mukyelelecibwe ùcelela 'wa Abeca.

Baloma 8:10

Mnga Kélésitù alé mwingi nenu, éna'éba yenu myeko yaa'wa ù lùmbaka lwa bùbé, Mtéma hùlé na bùlamu mmulé ù lùmbaka musele bùlùlé ù meso ma Abeca.

Yohana 10:26-28

Shi'éta benu tamù'waca, lùmbaka tamulé ba m yane mi'oo'o. Yane mi'oo'o hékyùhungwa lyane cù'i, na ine nikyé heyo, nayo

hékyùnjanga. Naahéha bùlamu bwa ale na ale; lùnge tahéshicimine tù'éte na tahashibe mtù hùshihéhonotole m mane mabo'o.

2 Timoteo 1:12

Lùmbaka lwa bibyo i 'yatùma naaba mu héno mi'ùbakano: shi'éta shilé na boba: lùmbaka nikyé benebene é'engya 'yaa'bé'éla ine ihùca ù lùlya lusuku.

1 Petelo 4:19

U bibyo balya balé mù'ùbakan'yibwa ité bilya Abeca bya'-ùndake baacelela ùkélélela i'éta byangéne, na ùhétakana 'wise'e-lela Mmbùmbi waiséngwa.

Tababùcilwe iba bana ba Abeca, ité mtù bya'ündake, hange ité bibalé mùbùcwa na mlangamsenge, shi'éta Abeca i Isebo.

—Yohana 1:13

Lùnge imwamanya benebene, nayo benebene iyamubé'a bùtamba.

—Yohana 8:32

U bibyo indé Mwene'ombe waa-se'elecibwa hano i Mtéma: na halya halé Mtéma wa Mwene'ombe i halé bùtamba.

—2 Bakolito 3:17

Mwa'écile muwe ùbé'wa bùtamba ihuma m bùbé mwanaba baca ba bùlùlé... Shi'éta bino mwawa ùbé'wa bùtamba ihuma

m bùbé na musele baca ba Abe-
ca, m bùbo bùca mulé na bùye-
ngù'e bwa ihahacibwa, na 'yake
éshi'a lélé ikya'anya bùlamu bwa
ale na ale. —Baloma 6:18 na 22

Mnga Mwana amubé'a bùta-
mba, ibé mwaba bùtamba bene-
bene.

—Yohana 8:36

Kélésitù atùbé'ile m bùtamba
na ù bibyo mùhimane mwaalénja,
na tamu'olwa ùkangwa m bùca
lùnge. —Bangalatiya 5:1

Lùmbaka iwaba ake ashin-
gwa-misahi ashibwéle batù
bose bibyo byùmona na byùhu-
ngwa. —Mi'ambo 22:15

Ukùbùléwa 1:5b

... Ewe aatù'unda, na ahùlùtù-honya ihuma m metù mabé ù ngyéla ya lwake lu'u, na awa ù'éta becu iba balé mù'ambéla m bwami bwa Sekyé Abeca.

1 Bakolito 6:9-11

A benu tamwickyé nibo ba'éci ba mabé tabashibe na hibekobeke m bwami bwa Abeca? Tamu'olwa ùcimbélélwa, lumbaka bataté, babindamini ba bibù'a, bahekya, balùmyana na ba'acana baikyù-kyeke'ana bùbene, bahibi, baisé-mbi ba byaasona, balalù, batù'ani na banyaki, tabashibe na hibekobeke m bwami bwa Abeca. Na mwingi nenu mulé batù babele

bibyo; shi'éta mwawa ùhumibwa menu mabé, mwawa ùsobelwa iba batù ba Abeca, na musele bùlùlé ù meso ma Abeca ù cina lya Mwami Yesù, na ù ngyéla ya Mtéma . . .

A tamwickyé nibo batù ba Abeca iba'aléla balangamsenge lùbangya?
—1 Bakolito 6:2a

Iwaba ité é'ùmbù 'yaasohaka ùlé Mwene'ombe, ité abanga a 'yaami ùlé Abeca wobe.

—Isaya 62:3

Bùsoshi bwa Bùcunde

Nilé mùhùna nibo bose babe émo, ité ùbe, Tata, byùlé émo nane, na ine émo nobe, bibyo nabo bange ba'abe mwingi netù . . .

—Yohana 17:21a

Mwene'ombe alé ha'onga na balya baikyùbùca Ewe, balya bai-kyùmmbùca na mtéma waaso-
ngela. —Nyémbo 145:18

Lùnge halé ihunganwa beni ha-
samba Numba ya Abeca na
bibù'a? Lùmbaka becu tûlé Num-
ba ya Abeca Mlamu; ité Abeca
byaatenda: Inai'yane m balé na
inalama mwingi nabo; inaba
Abeca wabo, nabo ibaba bane
batù. —2 Bakolito 6:16

Shi'éta musohakélwe, ité balé
mùmonyibwa shingoshingo hamo
na Kélésitù, lùmbaka benu bange
mukyelwe na bùsoka ékyanga
éshikùbùlélwe batù bwake bù-
cunde. —1 Petelo 4:13

1 Yohana 1:3b

... na ésambo écwasamba na
Tata, hamocunge na wake Mwana
Yesù Kélésitù.

Isaya 43:2

Ekyanga 'yùlùhétana mwingi
na makyé maani'a ine inaba ha-
mocunge nobe; yobe mi'ùbakano
tahéshi'ùhéme. Ekyanga 'yùlù-
hétana m'm aya, tùshishongoto'e;
mikele'o yaalùnda hémù'ùhùléla
tahéshi'ùbabace.

Yohana 17:23

Ine nibe mwingi nabo, na ùbe
mwingi nane nibo babe èmo 'yaa-
celela, na balangamsenge bama-
nye nibo ùbe i wambicile, na
waaba'ùnda ité byùungùnda.

Yohana 14:20

Lùlo lusuku imwamanya nibo
ine nilé mwingi na Tata, benu
mnilé, na ine mmulé.

*Wake Msémyo wa Éshi'a I Lùbalé'o
Lwa Wetù M'molwa*

Ukùbùlélwa 22:17a

Mtéma na m-ya balé mütenda:
Cwa'uno.

Matayo 28:19, 20

Indé somuye, na mukalùle ba-
nyabilongo bose iba bane bahi-
kécibwa, mubabatise ù cina lya
Tata, na lya Mwana, na lya
Mtéma Wammaha; mubahikéce
inyemya byose binawa ùmusé-
mya. Na mumanye nibo inaba ha-

mocunge nenu suku cose, ihùca ù
éshi'a 'ya éssé.

*Bùlùlé bwa Batù ba Abeca I Bùlùlé
bwa Bùci'é bwa Kélésitù*

Lùmbaka Abeca a'ùnjile aba-
bwéle ité bilé bütunga na bùsoka
bwa hélya yake mihémbé ya
mmbisò yaashima ù'étéla banya-
bilongo bose. Na hùkyo mmbiso i
Kélésitù hùlé mwingi nenu, nake
aamuha bwise'elelo nibo imwa-
mona émo ébangyù 'ya bùcunde
bwa Abeca. —Bakolosai 1:27

Lùmbaka Kélésitù i wa éshi'a
ilusha m'ma'é wa Musa nibo batù
bose baa'waca babalwe iba balùlé
ù meso ma Abeca. —Baloma 10:4

Bahebulaniya 4:16

U bibyo indé tûshekenene ha écumbé 'ya Abeca 'ya bwami bûcilaka imona boba, lùmbaka heho i halé ngena. Na haho i hatûshi'êtélwe misa na imona heho masoka ma itù'watéléca m bikyanga bya inihélwa.

Baefeso 2:4-7

Shi'éta lùmbaka Abeca alé na masoka manga, na lwake lù'ùndo lwaatù'ùnjile lùlé lwa m'mùlù, ihùca élya ékyanga étûbele ba'u ba mitéma ù lùmbaka lwa metù mabé, atù'écile iba balamu hamocunge na Kélésitù. Shi'éta benu mwahùlùhonyibwa ù ngena ca

Abeca. Nake atùcùcile mwingi na Yesù Kélésitù na anatùkémya hamocunge nake m'm ésé 'ya mwikùlù, nibo m bikiyangá bishicwe, a'acwe ùlangésha byaabula bwake bùtunga bwa cake ngena catù'étéle mulé Yesù Kélésitù.

1 Petelo 5:10

Shi'éta mwanawa ù'ùbakanyibwa ù ékyanga 'yaaniha, Abeca wa ngena cose wamubùcice nibo muhingéle m bwake bùcunde bwa ale na ale mwingi na Kélésitù, ewe imwene i'amu'ùnga, i'amushi-mi'ya, i'amuha makala na ùmubé'a ù bi'élé byaa'oma.

Bangalatiya 4:4, 5

Shi'éta ékyanga 'yashi'écile
éhùle, Abeca anahila wake
Mwana wabùcilwe na m'macana,
nake abele aanyemya mi'a'é ya
Bayula, lùmbaka asùngùle balya
babele baakangwa na mi'a'é, nibo
tùbe bana ba Abeca.

1 Yohana 3:1a

Lole, lù'undo beni lùcwa'ùnjil-
we na Isetù, Iwatùma becu cwa-
bùcibwa bana ba Abeca

Batékéléci Ba Abeca

Bangalatiya 4:6, 7

Etù 'yaalangésha nibo benu
musele bake bana, Abeca ahicile
Mtéma wa wake Mwana mwetù
mnda, hùlé mùtenda bù'ùlù: Aba,

i nibo Tata. Mnga i bibyo, ibé ùbe
tù'élé mca lùnge, shi'éta ùsele
mwana; na lùmbaka ùlé mwana,
bibyo ùsele mtékéléci hamo na
bana ba Abeca.

Balya bashihéme ibakya'anya
éno éha'é ùnilé; na ine inaba
Abeca wabo, nabo ibaba bane
bana. —Ukùbùlélwa 21:7

Na mnga tùlé bake bana, ibé ic-
watékéléla cilya pelo Abeca
caabé'ela bake batù, na icwacité-
kéléla hamocunge na Kélésitù,
lùmbaka mnga tùlé mùmonyibwa
shingoshingo hamocunge nake,
ibé icwaba nake ng'ine m bwake
bùcunde. —Baloma 8:17

Baloma 8:28, 29

Becu cwikyé nibo mwingi na bitù byose Abeca aikyù'éta mi'ambo yangéne ù balya bam'munda, nabo i balya bahùlù-bùcibwa icangana na yake mihémbé. Lùmbaka balya basoboci-lwe na Abeca ihuma ale, i balya Ewe babele awa ùbahémbé'ela ale nibo bahikane na sùsho ya wake Mwana, na nibo hùkyo wake Mwana abe ula m babùcwa manga mwingi na Kélésitù.

Ù'ole Ité Kélésitù

... Ine nilé ité m'mambi mwingi nenu. —Luka 22:27b

Ùbe Mkakyélani

Yesù ashitenda: Tata, ùbaka-

kyéle, lùmbaka tabaikyé bibalé mù'éta. —Luka 23:34a

Ùbe Waa'onda na Waakyebeleca

Bino ine Paolo, namulùmbéléla mwingi na ùte'eleca na ù'ondelela 'wa Kélésitù. —2 Bakolito 10:1a

Ùnyate M Lù'ùndo lwa Kélésitù

Ité bilya Tata byangunjile, ninùnge i binamu'unda. U bibyo, mwi'yane mwingi na lù'ùndo.

—Yohana 15:9

*Ù'wéce Msahù Wangéne M
Balangamsenge*

Lùnge Yesù ababwécile: Ale-mbe abe ùmulé: ité bilya Tata byambicile, ninùnge i binùmùhila.

—Yohana 20:21

1 Batesaloniki 2:12

Nibo munyate ité bilya Abeca byaashima, Ewe wamubùcice lùmbaka mùhingéle m bwake bwami na bwake bucunde.

Mtù hose washakyebelala m mahikéco ma Kélésitù, hùkyo talé wa Abeca. Hùlya waakyebelala m mamo mahikéco, hùkyo alé na Tata na Mwana. —2 Yohana 9

*Kélésitù I'aba na M-ya
Hùshinabembwa Ihuma 'Wake*

Mmbékalo alé hùlya mtù wai'omenyenya mikele'o, lùmbaka mnga awa ùbasha, i'akya'-anya bùlamu, bùbo i bù'opolwa Abeca bwalakile nibo i'aha balya bam'munda. —Yakobo 1:12

Namulangésha bishibe mtù hose hùshicwe ùnilé, na hùshihungwe mane makambo na ùmanye-myà: alé ité mtù wakuba'ile numba, anacima ùsé manga, na ashici'a bi'élé ùbanda na lwala, Mwikyùle wa'écile hùcwe, lùkyé lwanaibulaka ù hékyo numba, shi'éta talwabashishe ùhéte-nyga, lùmbaka hébele yaakuba'-wa byangéné. —Luka 6:47, 48

Na Alé na Epitélwa Ù Make Meso

Bilya ng'ine caatùhikéca 'wise'elela lusuku lwa bùbékalo, lùlyá lùshimone'elemo bucunde bwa Msoshi wetù Abeca, Yesù Kélésitù Mmonya wetù.

—Tito 2:13

Lùmbaka mwahonyibwa ù ngena ca Abeca na ù bù'waca. Bùno bùhonya élé éha'é 'ya Abeca ùmulé; tamwahonyibwa ù menu makala, lùmbaka tahalé mtù hùihangya. Lùmbaka Abeca i wetù mmbùmbi, nake atùbùmbélé mwingi na Yesù Kélésitù nibo tù'ambe mi'ambo yangéne, hélya Abeca ya'ùngyile ihuma ale nibo tûhé'éte.

—Baefeso 2:8-10

Baefeso 3:20

Indé ahangyakùlwé ewe hùnabasha ù'éta byatanga ùhéta byose bitùlé mùhùna na bitùlé mûlénganya, ité bwake bùbasha bùlé mù'amba m'mambo mwingi netù.

1 Bakolito 2:5

Nibo bwenu bù'waca bùle'e ûhimanina m bwenge bwa batù, shi'éta m bùbasha bwa Abeca.

*I'a'écwa Ng'eneng'ene na Waa'ù'a
Mulé Ewe*

Baefeso 4:13

Mu hékyo ngyéla becu bose icwahùléla iba na émo 'ya bwetù bù'waca na imanya Mwana wa Abeca, ù bibyo icwaba batù baa'ùla ihùca élya éculé 'yaa'wéla 'ya Kélésitù.

Bakolosai 2:10

Na benu mwawa ùhebwa bùlamu bwaa'wéla mwingi nake, ewe i mcwe wa bùsoshi na bùbasha bose bwa mtéma.

Lùmbaka Lwa'é Ewe Alé Na Bama-lahika Bashinabalwa Baikyùbinda-ma Ihùna Mwingi na Lwake Lù'un-do Ùbanda Na Mlangamsenge Waakwéla, Waana'a?

Bahebulaniya 1:6

Shi'éta ékyanga Abeca 'yahicile wake Mwana wa ula m'm ésé, atenjile: Bamalahika bose ba Abeca bammbindamine.

... bwane bùsoka bùbele hamo na bana ba batù. —Tùlébé 8:31b

... benu bange mwawa ù'wa ù lùmbaka lwa m'ma'é mw isambibwa na mweko wa Kélésitù nibo mube bake, ewe wacù'ile ihuma ù ba'u lùmbaka tù'éte mi'ambo yaa-celela ùlé Abeca. —Baloma 7:4b

Mwingi na mweko hùmo tùlé na bitambo manga, nabyo bilé mù'amba mi'ambo manga yashahikana. U bibyo éna'éba tùlé manga, tùlé mweko hùmo mwingi na Kélésitù, na cwaasambe becu na becu mwingi na hùkyo mweko hùmo. —Baloma 12:4, 5

M-ya Aikyùmonena Bùlamu Mwalé

Hùlya hose hùlé na hùkyo Mwana i hùlé na bùlamu, na hùlya hùshi na hùkyo Mwana talé na bùbo bùlamu. —1 Yohana 5:12

Ewe tatùhimine wake Mwana, shi'éta amtangile ù lùmbaka lwetù becu bose; lùmbaka lwa'é ewe tanabasha ùtùha bitù byose hamo nake? —Baloma 8:32

*Alé na Msambélo wa 'Yake Ècumbé
'Ya Bù'olo Na M-ya*

Ukùbùlélwa 3:21

Balya bashihéme inabaha bùbasha bwa 'wi'yana nane m 'yane écumbé 'ya bwami, ité ninùnge binahémine na nanai'yaná na tata m 'yake écumbé 'ya bwami.

Mbùka ya Mwami na M-ya

Ukùbùlélwa 3:12a

Hùlya hùshihéme inam'méta iba mkéngo m Numba ya Abeca wane, nake tashihumatù'é hemo tû'ete, na inasalanga ùbanda nake cina lya Abeca wane, na cina lya mbùka ya Abeca wane, nayo i Ye-

lusalemi ya mmbésé, hélya héshi'o'e ihuma mw ikùlù 'wa Abeca wane

Bahebulaniya 11:16

Benebene baa'ündélélá ésé yaa-hétakana iba 'yangéne, na'yo élé 'ya mw ikùlù. U bibyo i 'yatùma Abeca taikyùmona abùle ibùcibwa Abeca wabo, lùmبا-ka ahùlùba'ùngyéla mbùka ya m'mùlù.

Ukùbùlélwa 22:14

Babékalo balé balya baamesa cabó pùlùbéca, nabo iba'wacibwa ilya ékuma 'ya été 'ya bùlamu na iħingéla ù mcango wa hélya mbùka.

Mnga tamwaba batù baiséngwa mw i'ambya byangéne bùtunga bwa m'm ésé bùmwabé'écibwa, i beni hùshi'wace imubé'éca bùtunga bwa benebene? —Luka 16:11

Lùmbaka mwikyé bilé ngena ca wetù Mwami Yesù Kélésitù, ewe hùbele mtunga acule ùba m'mene ù lùmbaka lwenu, nibo bwake bù'ene bùmutùngye.

—2 Bakolito 8:9

Babùcwa nane bana'ùnda mwingi na Kélésitù, muhungwéléle ùno, Abeca asobocile ba'ene ba m'm éno ésé nibo babe batunga ba bù'waca na bakya'anye bùlyá bwami bwalakilwe balya baam'mùnda. —Yakobo 2:5

Alùké M Bùtunga Bwa Esé

1 Timoteo 6:17-19

Nalakéléca ùbe ùbwéle batunga balé m'm éno ésé nibo bale'e 'wimona, hange 'wise'elela bwabo bùtunga bùshicimine lùbélo, shi'éta baacelela 'wise'elela Abeca wikyùtùha bitù byose nibo cwishakéce nabyo. Ubasémye i'ambya bwabo bokyo byangéne, babe batunga m mi'ambéci yangéne, babe batembe na bai'ùngya i'watélécana na bange. Bibyo i bikyùlongwa m bùbé'élo bùshibe lùbalé'o lwaa'oma ùbalé m bikyanga bishicwe, lùmbaka bamone bùlamu bwa benebene.

34 Bùtunga Bwa Benebene Bùlé Na Búyengú'e Ùnile

Ewe i hùshikalùle yetù myeko ya i'wa, nibo héhikane na wake mweko wa bùnyemu, lùmbaka alé na bùbasha bwa ibé'a bitù byose ùmanda nake. —Bafilipi 3:21

Bakolosai 1:12, 13

Mukanye Isetù Abeca na so-hakélwa, ewe watùbashéshe ikya'anya ébekebeke 'ya itékélé-la masoka ma Abeca maa'ùngéla bake batù m bwake bwami bwa lwenge. Atùhonyinye ihuma m makala ma ahùlù a bùbé na anatùhangùla ihingéla m bwami bwa wake Mwana m'munjwa.

Indé bino, namushi'éléca ùlé Abeca na mw ikambo lya cake ngena, lùmbaka Abeca i hùlé na

bùbasha bwa ùmu'omya na ùmuha bùbasha bwa itékéléla pelo hamocunge na bake batù bose. —Mi'ambo 20:32

Bakolosai 3:4

Kélésitù i bwenu bùlamu bwa benebene, na hashimone'ele benu bange i hamùshimone'ele ha-mocunge nake na mwaahewé ébekebeke 'ya bwake bùcunde.

Baefeso 3:6

Nibo banyabilongo cisele tékéléci ca pelo hamocunge na Bayula ù ngyéla ya Msahù Wangéne, bino basele mweko hùmo na isambéla netù alya alaki alakilwe na Abeca mulé Yesù Kélésitù . . .

Balya bose baikyù'ùlonda basohakélwe na ihila tukeke mulé ùbe; balya baa'unda ihonyibwa nobe bamangütenda suku cose: Mwene'ombe ahangyakùlwé.

—Nyémbo 40:16

Benu balùlé, sohakélwe, boke-boke ù lumbaka lwa bilya Mwene'ombe byawa ù'éta, benu bose baanyemya, hile tukeke.

—Nyémbo 32:11

Sohakélwe mulé wetù Mwami Yesù suku cose; lunge natenda: Sohakélwe. —Bafilipi 4:4

Lumbaka mi'ùbakano hétulé nayo yaahùha, na héle ya ékyanga 'yaaniha itù'ùbakanya lumb-

baka tùmone bucunde bwa ale na ale bwaahétakana iba manga.

—2 Bakolito 4:17

Sohakélwe manga, benu batù ba Sayuni; hile tukeke, benu bai'-yani ba Yelusalemi. Lole, wenu Mwami amuhùléla; alé mlùlé na mmonya —Sakaliya 9:9a

Tamu'olwa ùsohakélwa lumbaka mashile mamuhungwéléla; shi'éta musohakélwe lumbaka menu mena maasalangwa mw ikùlù. —Luka 10:20

Balya bose balé mùsénina oolé ibasohakélwa; suku cose ibahila tukeke na busoka. Engéléca balya bose baa'unda ù lumbaka baasohakélwe mulé Ube. —Nyémbo 5:11

Bahebulaniya 12:25

Indé mulole byangéne, tamu'olwa ù'ema ihungwéléla hùlya hùlé mùmubwéla. Lùmbaka balya ba'emine ihungwéléla hùlya wahùlùbahana ikambo lya Abeca mno m'm ésé tabayo'ile m'mando; ûhétakana, mnga becu cwa'ema hùlya hùlé mütùhana bya mwikùlù, tatùshihonyibwe.

Luka 13:24, 25

Mu'omye ùhingèla ha mcango waaye'enena, lùmbaka namubwéla bino: ba manga bashi'unde ùhingéla heho tabashibashe. Ekyanga mwene numba 'yashihi-mane na ùbukala ébé, benu imwaba ha mbùka, na mwashi-

balé'e itengya ébé na itenda: Mlùmbi wetù, Mlùmbi wetu, tû-bukùléle; nake ashimukya'ùle: Shikyé ùmulé mù huma.

*Misa yaa'emwa Hénakalù'a Busu
2 Batesaloniki 2:10-12*

Nake i'a'éta bitù manga bya bù-lùbi nibo acimbéléle balya baaci-mina; ibacimina, ù lùmbaka taba'waca lùlya lù'ùndo lwa bene-bene lùnabahonya. U bibyo Abeca alé mùhila bùbasha bwa ùba-cimbéléla nibo ba'wace bya bùpé. Haho balya bose basha'waca be-nebene ibamona lùbangya, lùmbaka babele mw isohakéca m'bùbé.

Hùkyele na Bùbé, Waamona

Lùbangya

Yohana 3:18

Hùlya waam'mwaca hose tashimone lùbangya, shi'éta washam'mwaca awa ùmona lùbangya, ùlumbaka ta'waca cina lya Mwana wa éninga wa Abeca.

Bahebulaniya 10:26, 27a

Lùmbaka mnga cwa'éta bùbé ùbuse'elelwa na becu cwawa ùmanya benebene, tahashi'ébe lùnge lùtaké lùshitangwe lwa ihumya mabé, shi'éta tûlé na boba ilekelela lùbangya na aya aaléka....

Waa'alélwa Lùbangya 'W ikambo

Hùlya hùshingeme na ùsha'waca mane makambo, alé na hù-

shim'maléle lùbangya: malaya makambo manatenjile i mashim'maléle lùbangya lusuku lwa éshi'a.

—Yohana 12:48

Waa'ùnjwa na Waalonjwa

1 Yohana 4:9

Lole ité Abeca byaalangésha lwake lù'ùndo ùtùlé: ahicile wake Mwana wa éninga m'm ésé, nibo tûmone bùlamu mwaalé.

Ukùbùlélwa 22:17

Mtéma na m-ya balé mùtenda: Cwa'ùno. Hùlya hose hùlé mùhungwa nakùnge atende: Cwa'ùno. Hùlya hùlé na pùsha acwe na hùlya waashima makyé ma bùlamu aùmahénda ù ngana.

*Ulé Uhùnqùkyù'a I'yana Ale Na Ale
 M shingoshingo Hamo Na Wamwitù
 M'm abondelwa Ékyanga 'Yùna-
 bashishe Iba M bùbékalo Mw isa-
 mbéla na Kélésitù Écumbé 'Ya
 Bù'olo 'Ya Ésé 'Ya Ale Na Ale!*

Yelemiya 17:11

Mtù wamona bùtunga mùshi m
 bùlùlé alé ité 'walé hélé mù'-
 ùmbéléca maké mayashatela;
 bwake bùtunga bùucimina m
 suku ca bwake bùlamu, na 'yake
 éshi'a i'aba aahungùkyù'a.

Luka 11:39, 40

Mwami Yesù ammbwécile:
 Benu Bafalisayo mwikyùsù'a
 tÙcuba na bikekyo ù mkongo,

shi'éta mukyele bùnyaki na
 bùsonu. A benu bahÙngÙkyù'i, a
 hÙlya Abeca wa'écile bilé ù
 mkongo ti wa'écile na bilé mnda
 ng'ine?

Nyémbo 53:1a

MmÙngÙkyù'i atenda m wake
 mtéma: Ta'ùlé Abeca.

Matayo 7:26, 27

Shi'éta hose hÙlé mùhungwa
 mano mane makambo nake tam-
 nyemya, i'aléngé'wa na ekÙndù
 'yakuba'ile yake numba ù mseke.
 Mbula yalo'ile mi'ù'ùkyé yakecile,
 mnyaka wakulumbile na byose
 byanakomba hékyo numba, nayo i
 biyawécile na ùhongo'a yose.

*Hatù Haléngye Iya Balya Baa'ema
Mwami wa Bucunde
Matayo 13:41, 42*

Mwana wa mtù i'ahila bake bama-
malahika, nabo iba'ùmbéléca byo-
se bilé mütùma batù baa'éta bùbé
na ba'éci ba mabé na ùbihumya m
bwake bwami, na ibabihalakéla
mw ihambé lya aya; ù'o i ùshibe
ùléla na ùkeketa menyo.

Ukùbùlélwa 14:11

Mi'i ya aya a yabo shingoshingo
yùmangùhela 'w ikùlù ale na ale:
tahashibe 'wihoca m cùba na m
busuku ù balya balé mùbindama
ihùna élya ényama hamo na 'yake

ésùsanyo, na mtù hose waa'waca
ikya'anya amanyi'éco a lyake
cina.

Bafilipi 3:18b, 19a

... babo i baasomba ihungwa
lu'u lwa Kélésitù ù étè 'ya bù-
téndé: 'yake éshi'a bùlé bù-
home . . .

*Abeca Aapicwa I'éta Mi'eleba
Itù'ambéca Iya Abondelwa, Ité Itù-
cibéléla Abondelwa, Ihéma Lu'u lwa
Ale na Ale, Na Icùla lùnge Nibo Tù-
mone Bùno Bùhémi Mulé Ewe na
Tùlame. Énge ûlé Ùkalùla Mmbé
I huma Mu Mna'o Iya Mu Mtéma
Wa Mmbésé Wa Lù'ùndo Mulé
Kélésitù.*

Mwami Wa Bami I'abé'a Wamwitù M Bukangelo 'Wa'ündake

Ukùbùlélwa 20:1-3

Lùnge namonine malahika hùlé mù'o'a ihuma mw ikùlù, alé na mtatùlo wa ébé 'ya nyongobelo na ékoci 'ya m'mùlù 'ya ékela m make mabo'o. Ibyahénjile élya ékyo'a, hélya ngyo'a ya ale, i nibo Lwabùla hange Wamwitù, na anamkanga mya'a éhùmbé, ahùlù-mmakaléla m'm abondelwa, anambukaléla hemo na ùcibaté'a amanyi'éco ù ékùbé'élo nibo é'yo ékyo'a élé'e ùcimbéléla banyabilongo ihùca hékyo mya'a éhùmbé hécelele. Hanuma na haho 'yashimanye ùkangùlwa ékyanga 'yaa-niha.

Ukùbùlélwa 20:7 na 10

Hékyo mya'a éhùmbé hahéshi-wéle, Wamwitù i'akangùlwa ihuma m'm ékango... Hùlya lwbùla wikyùcimbéléla batù ahùlù-halakélwa m'm éciba élé mùkya'a aya na bùukya, mlyá mwaasangwa mwaahalakélwa élya énya-ma na hélya ng'angùci ya bùpé, nabo ibamona shingoshingo m cùba na m busuku ale na ale.

Bùhémi Bwaa'wéla na Bwa Ale Ose Ihéma Wamwitù

Bahebulaniya 2:14b

A'écile bibyo nibo ù lwake lu'u ahomye hùlya Wamwitù hùbele na makala ma lu'u.

Matayo 6:24

Tahalé mtù hùnabasha ù'olela bami babélé àusonenwa na hùmo na ù'unda hùnge; hange aùhùnganwa na hùmo na ùkakya hùnge. Tamunabasha ù'olela Abe- ca na bütunga.

A Ube Ulé mùcanga Wamwitù Ù Ékango, Hange Mwami wa Bami Ù 'Yake Écumbé 'Ya Bù'olo?

Ukùbùlélwa 21:8

Shi'éta balé ba'wa boba, basha'waca, ba'wa isonyenya bange, banyaki, bataté, ba'wa maséndù, ba'wa ibindamina bibù'a, na bacimbi bose bwabo bùci'é bùlè m'm éciba élé mùkya'a aya na búkya, na lùlo i lu'u lwa abélé.

Mi'ambo 26:18

Na'ùhila ibakumbùla meso, lùmbaka bakalù'e ihuma m'm ahùlù na ùya m lwenge ihuma m bùba- sha bwa Wamwitù na ùya ùlé Abeca, nibo bashi'wace ine baaka- kyélwe mabo mabé na ùhebwa bùci'é hamo na balya batù baaso- bolwa na Abeca.

Yohana 8:34-36

Yesù ababwécile: Benebene, namubwéla: hose wa'éta bùbé ibé alé mca wa bùbé. Mca tanaba hùmo wa bana ba ébündé suku cose, mwana i hùbekyaka m'm ébündé suku cose. Shi'éta Mwana mnga amubé'a bütamba, ibé mwaba bütamba benebene.

42 Makyé Ma Bùlamu Maikyùkelela Ù Mane Makùlù

Yohana 4:10; 7:37

Yesù amkyà'ùcile: Mnga ùnamanyinye éha'é 'ya Abeca na ùmanya beni wa'ùhùna makyé ma isola, nùbùnge ùnammùnine, nake ana'ùhele makyé ma bùlamu. . . . U lusuku lwa éshi'a, i lùbele lusuku lwa m'mùlù ùhéta cinge. Yesù ibyahimanine na anatenda bù'ùlù: Mnga halé mtù hùlé na pùsha, acwe ùnilé na asole.

Ukùbùlélwa 7:17; 22:1-3

Lùmbaka hùlya Mwana wa m'moo'o hùi'ekye m'm élya écumbé 'ya bwami i'aba wabo mngele na ùbalombola ùlé so'o ca makyé ma bùlamu. Na Abeca i'acùla bikeke ù mabo meso. . . .

Lùnge malahika ahùlùndangésha lùkyé lwa makyé ma bùlamu lùbele mùlangala ité 'yoho, nalo lwaasolo'ela ha écumbé 'ya bwa mi bwa Abeca na Mwana wa M'moo'o. Lùbele mùkeela mwingi na mlùngù wa hélya mbùka. Mbo'o na mbo'o ya lùlo lùkyé ùbele étè 'ya bùlamu ékyùha bikuma ng'endo i'ùmi na cibélé ù mwa'a, i nibo sùngé ù sùngé. Mani ma è'yo étè hùbele mté wa ihonya banyabilongo. Hemo tamùshibe msémbo wa Abeca tù'éte. Shi'éta écumbé 'ya bwami bwa Abeca na Mwana wa M'moo'o i'yaba mu hékyo mbùka, na ba'ambi ba Abeca ibabindama ihùna ewe.

Matayo 6:33

Shi'éta mbele mùtangùlonda
Bwami bwa Abeca na bwake
bùlùlé, na bibyo byose Abeca i'-
amutende'ela.

I'engeleca Mi'a'é 4:29

Shi'éta mn̄ga . . . iwalonda
MWENE'OMBE Abeca wobe, iwa-
mmona mn̄ga waamlonda na wo-
be mtéma hose na obe alamo ose.

Tùlébé 8:17

Naa'ùnda balya baangùnda, na
balya balé mùndonda na éhinyi-
nya ibamona ine.

Hosea 10:12

Mubyale ù bùlùlé, mukémbù-
le ù ngena; muléme lyenu itete lé-

shikyùmenya mbùto; lùmbaka élé
ékyanga 'ya ilonda MWENE'-
OMBE ihùca hashicwéle na imu-
lo'eca bùlùlé ité mbula.

Luka 11:9

Na ine nashimuhulélá bino:
Hùne, na imwahebwa; londe, na
imwamona; tengye ébé, na imwa-
bukùlélwa.

Isaya 55:6

Hoto'ele MWENE'OMBE na
mùmmùne, bino alé ha'onga.

Nyémbo 86:12

Ina'ùhangya na wane mtéma
hose, Ee Mwene'ombe Abeca
wane; inahakyéla bwobe bùsoshi
ale na ale.

Ukùbùlélwa 21:9b-11a na 23-24a

... Cwa'ùno ni'ùlangéshe hùlya m-ya, m'ma Mwana wa M'moo'o. Mtéma i biwandombocile, hùkyo malahika anambé'a ù lùmo lùkùlù lwaaleha. Ashindangésha Yelusa-lemi, mbùka ya m'mùlù ya mahelo hèlè mù'o'a ihuma mw ikùlù ùlé Abeca, nayo hélé mùlangala na bùcunde bwa Abeca... Hékyo mbùka tayacelela ùtalélwa na cùba hange na mweci, lùmbaka lwenge lwa Abeca i lùlé mùhé-kyá'ya, na mwenge wa hékyo mbùka alé Mwana wa M'moo'o. Banyabilongo baahonyibwa ibanyata m lùlo lwenge....

Ukùbùlélwa 19:6b-9a

Hangye Abeca! Lùmbaka Mwe-ne'ombe Abeca wetù mmbasha aakéma. Tùsohakélwe na tùbo-kebole, na ùmnyemya. Lùmbaka ékyanga 'ya bùya bwa Mwana wa M'moo'o 'yawa ùhùla, na wake m—ya awa 'wi'ùngya. Ahùlùsé-mibwa nibo a'wate mwenda wa katani wangéne, waalangala na hùlé sù'ùsù'ù. Hùkyo mwenda wa katani wangéne wa'wete hélé mi'ambéci ya bùlùlé ya batù ba Abeca. Malahika ambwécile: Usa-lange bino, Babékalo balé ba-lyà baalalé'wa ilya bya'ùlyà bya bùya bwa Mwana wa M'moo'o.

'Wi'o'ya Ùlé Ewe

... mwitange benu bùbene ùlé Abeca, ité balamu hanuma na icù'a ihuma ù ba'u —Baloma 16:13b

Aa'ùnda Wake Mkonji

Ngena ca Abeca cibe hamocunge na balya bose baa'ùnda wetù Mwami Yesù Kélésitù m lù'ùndo lùshi na éshi'a. —Baefeso 6:24

Hùlé Hamo Nake

Lùmbaka tùlé bilémbako bya wake mweko. —Baefeso 5:30

Nibo ù tùto tùlaki mwaabashe 'wisambya na mshinga wa Abeca.
—2 Petelo 1:4b

Hùkyele na Bùbasha Bwa Abeca
Alé mmeci . . . ù bùbasha bwa

bùlamu bùshi na éshi'a.

—Bahebulaniya 7:16

Hùkyele Na Lù'ùndo Iwa Abeca

Shi'éta hùlya waanyemya lyake ikambo, lùlya lù'ùndo Iwa Abeca lùlé mwaalé lwawa ùcelecibwa benebene —1 Yohana 2:5a

Hùshi Na Arole

Ulé wangéne manga, ùbe m'munjwa wane; ùlé ng'eneng'-ene. —Lwémbo Iwa Sulemani 4:7

U bibyo, benu banane mwingi na Kélésitù, mw ilekelela lùlo lusu-ku, indé mu'éte éhinyinya 'ya ùsangwa mulé ng'eneng'ene na bashi na asembo ù meso ma Abeca, na iba nake na alembe.

—2 Petelo 3:14

46 Mwami Aikyùsonya Mna'o Wa Balangamsenge

Ukùbùlélwa 18:21

Haho malahika wa makala ibyaté'ile hibwe lya m'mùlù lélé ité lùsho na analéhalakéla m'm étaanga, ashitenda: U Makala ité mano hélya mbùka ya m'mùlù Babeli iyahalakwa hasé, lùnge tahéshimone'e tù'éte.

Haho hùkyo Msonu i'amone'a, na Mwami Yesù ashim-yake ù mmùkyà waahuma m'm ake anwa, na lùnge i'ammomya ù lwake lwenge lùshikya'e hashicwéle. —2 Batesaloniki 2:8

Ukùbùlélwa 17:14

Iba'éta ilongwe na Mwana wa M'moo'o shi'éta hùkyo Mwana wa M'moo'o i'abahéma, lùmbaka

alé Msoshi wa basoshi, na Mwami wa bami; i'abahéma iba hamocunge na bake batù, balya bahùlùbùcibwa na bahùlùsobolwa, i nibo balya bam'mwaca.

MWENE'OMBE i'alusha bùsùngù bwaasona ù bilongo byose bilé mùlwana na Yelusalemi. Yabo myeko iyabola nabo balwete; mabo meso na cabó ndami ibyabola. —Sakaliya 14:12

Hanuma éshi'a 'yaashihùle ékyanga Kélésitù 'yashihumatu'ye bwami, makala na bùasha bose bwa misùmbù; na hanuma ashishi'éléce bwake Bwami m mabo'o mwa Sekyé Abeca.

—1 Bakolito 15:24

Ukùbùlélwa 11:15b

... Bùbasha bwa ikéma ésé
bùsele bwa Mwene'ombe na bwa
Kélésitù wake; nake i'akéma ale
na ale.

Ukùbùlélwa 5:9b, 10

... lùmbaka wayakilwe, na wa-
nasùngùléla Abeca becu batù ù
lwake lu'u ... Wawa ùtùkalùla
iba baheci balé mù'ambéla m
Bwami bwa Abeca wetù; na becu
icwakéma m'm ésé.

Ukùbùlélwa 20:4b

... bilya ng'ine namonine
mitéma ya balya bayakilwe ù lùm-
baka lwa isahùla hélya benebene
yabisùcilwe na Yesù, na ù lùm-
baka lwa ikambo lya Abeca. Nabo

i balya bashahùlùbindama ihùna
élya ényama, hange 'yake ésùsa-
nyo; na lùnge i balya ba'emine
icibaté'wa amanyi'éco ù cabò
mbala hange ù byabo bikangya.
Nabo bacù'ile na ùkéma hamo na
Kélésitù ihùca mya'a éhùmbé.

Matayo 5:5

Babékalo balé balya baa'onda,
lùmbaka hebo i bashitékéléle ésé.

Ukùbùlélwa 20:6

Babékalo na baahelelwa balé
balya balé na ébekébeke mw icù'a
lyá mbele! Lu'u lwa abélé talùlé
na bùbasha ùbalé, shi'éta ibaba
baheci ba Abeca na Kélésitù, nabo
ibakéma hamocunge nake mu
hékyo mya'a éhùmbé.

Nyémbo 145:1

Inahakyéla bùsoshi bwa ùbe,
Abeca wane lùnge wane mwami;
ina'ùkanya ale na ale.

1 Batesaloniki 4:16c, 17

... balya ba'ule nabo baa'waca
Kélésitù i bashibalé'e icù'a.
Hanuma becu bashisangwe ba-
lamu m'm é'yo ékyanga ic-
watélùlwa hamo nabo m macu,
isangana na Mwami m lùlele. Na
bibyo cwashii'yane na Mwami
Yesù ale na ale.

Ukùbùlélwa 21:3b, 4

... Lola, bino bwi'yano bwa
Abeca bùlé msambéla batù! Nake
i'ai'yana hamocunge nabo, na
ibaba bake batù. Abeca imwene

i'aba hamocunge nabo na iba
Abeca wabo. Nake i'acùla bikeke
byose ù mabo meso. Lu'u talù-
shibeho tù'éte, lùhangha talù-
shibe hange bilélo, hange asùsù.
Lùmbaka bitù byose bya ale
ibyaba byawa ùcinga.

Yohana 17:24a

Tata, balya bùmbele, naa'ùnda
nabo bange babe hamocunge nane
hose hanilé, nibo bamone bùlya
bwane bucunde bùmbele

Ukùbùlélwa 22:5

Tahashibe busuku, na ibyaba
ngana ùbalé iba na mwenge,
hange lwenge lwa cùba, lùmbaka
Mwene'ombe Abeca i'abakya'éca
lwenge, nabo ibakéma ale na ale.

Kélésitù Atenda:

“Balya bashihéme inabaha bùbasha bwa 'wi'yana nane m 'yane
écumbé 'ya bwami, ité ninùnge binahémine na 'wi'yana na Tata m
'yake écumbé 'ya bwami.”

—Ukùbùlélwa 3:21

Ee, Mmonya m'munjwa wa lù'ùndo lwa m'mùlù awa ùloca.
Lu'u lwa abùle ù étè 'ya büténdé,
Ishika bwake bwami na 'yake écumbé 'yangéne 'ya bù'olo,
Ihonya m'mwa bùbé ité ine.

—I.N.McHose

Hangya Mwene'ombe, Alé waahahala na mlùlé;
Hangya Mwene'ombe, Aa'ùnda ine, shi'éta nilé ahutehute;
Hangya Mwene'ombe, NAACELELA U'OLELA EWE!
Hangya Mwene'ombe! Hangya Mwene'ombe!
HANGYA MWENE'OMBE!

—Watson Goodman

Published in numerous languages by World Missionary Press, Inc.,
as God supplies funds in answer to prayer. **For questions or more
information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org

2-25

Read booklets online or by App
www.wmp-readonline.org

524 Ebembe WAI

